

蛻  
盒  
賸  
稿

皇朝平定書院

蛻盒賸稿卷四

起乙巳訖己酉二月

宜黃符

羊城雜詩

東風綴水綠鱗鱗  
雨過晴曦潑眼新  
春暮越王至畔路  
乍來江表一閒人

霸業煙銷弔尉佗  
桄榔樹老木棉多  
玉鈎斜在花田裏  
蛟螭妖魂化綺羅

六祖宗風鉢不傳  
劫中魔佛鬪年年  
梵王龍象新歡喜  
護法綸音出九天

孔雀屏風翡翠巢  
淚珠盈斛搵鮫綃  
貪泉已竭供誰飲  
魄礪多

應借酒澆

槌壁喧呼甯戚鞭誰教匍匐誤車前蹇驢衛尹長安道除是詩僧賈閬仙

節度威風領海疆南交坐鎮倚才長油幢畫戟森嚴地莫認中書伴食堂

廣雅徒存粵雅亡徘徊書肆愧空囊東鉛西槧珍重譯螃蟹橫尋字數行

百萬金錢一擲蒲陶公應拜牧豬奴吾生冥籍曾探否可鑄橫財三十爐

紀事

螳螂捕蟬蟬化雀吞啖須臾禍交作雨雲翻覆風潮逐鑄鐵六州應悔錯城傾社壓危鼠狐不同城火殃池魚彈章漏網百一二禹鼎魑魅形模糊解綬登車涕泗滂還州諛頌祝漁陽爰書僥倖逃三載惡劇分明了一場起視囊金填壑飽江南富翁歸亦好爲娛歐鬼出倭姬再起東山看此老擾擾么磨何足奇當道群狼孰問之百疏不如寸七百世間豈少空空兒  
薄遊潮州城內外雜述

意行不識路屈曲幾村莊鷓鴣春三月蘼蕪水一方地如江左是人住畫中央農事紛南畝田家盡插秧

南郭戰場外纍纍何代墳牧童縱牛馬餒鬼羨兒孫坏土生人

了博沙影事昏誰令細柳帳忽近白楊垣

來登第一山福地小娜嬛樓似人高否書供世用慳房權花窈

窈襟帶水彎環一覽空千里三壺咫尺間金山又名第一山張南皮建樓藏書頭曰小娜

嬛

韓祠山斗在誰薰瓣香來地僻人文舊橋長海勢開昔傳驅鱷

事今想掣鯨才丹荔黃蕉裏神絃薦一杯

宛占湖山勝偏多洞府緣劍苔厓鑿字滄茗井爭泉世事天方

夢吟心我欲禪丸泥封谷口曲徑阻蜿蜒四湖山有一洞頗幽勝且有男女尋歡於此住

持遂錮塞之

缺舌蠻奴語豺牙狗盜叢魚腥生斫鱸蝦醜狀成龍朱柱擎羅

襪冰紈舞玉葱一珠三十萬鮫客忽相逢婦人髻底嵌紅圓木柱二三寸有客楊某以一

珠售三十萬貫起家

茉莉檳榔候時風見大蘇未招梅入夢看畫荔成圖知已青蠅

有文章翠羽無去留兩難決油幕意踟躕

謫宦身蕭飢天教汗漫游東西塗抹慣上下古今周浩劫鰲傾

柱名場蜃結樓不妨書拉雜何事志窮愁

盾墨逐油幢扁舟東復東老猶幕下寄貧奈橐中空棄婦愁新

嫁勞人唱惱公世無佗與龔何處覓英雄

經月依臯廡神交訝爾曹論詩惡萋菲醉友感醇醪海外邛根

矩儒中龍伯高殷勤薦土意幾費齒牙勞王玖伯大令

某公被議旋殞悼以一詩

秦岱鴻毛較重輕彈章一紙太無情不隨徐市歸東海爲問倭  
姬作麼生

揭城南觀競渡感賦

簫鼓龍舟重午天小西湖上影蹁躚荔支紅映蒲菖綠一瞬人

間四十年

閩中小西湖龍舟極盛  
幼年無歲不出城也

傾城士女出城南盛事承平剩二三日晏畫船催打槳空江梅  
雨上輕衫

駐軍市中某空屋

不見咸陽大腹人市闌軍府象開新杜陵廣廈知何日僕僕方

追馬足塵

草罷軍書盾癩磨胡牀一枕夢南柯莫嗤舌本輸鸚鵡解語花  
枝也不多

腐齋黑闇不可耐戲占二絕

十日樽桑灼碧空人閒紉絕有陰宮朝昏一室無分別只認蚤  
雷起滅中

一枕甜鄉一榻燈草玄詰墨我何能皂羅原比紗厨好多事重  
簾障幾層

又一律

四郊壁壘任西東下榻何爲到此中地已近塵塵擾擾大從窺

感官印局代印  
隔象夢夢萬般境是模糊好一睡酣時芥蒂空黑漆前程聊搽  
隱捉刀防與辨英雄

即事

馬工枚速儕群隸謝笑顏噴博一官海外地收蠻長易終南人  
異太行艱駑駘十駕鞭先著牛斗三霄劍自看靴版名場同戲  
劇相逢入座盡猴冠

許氏小園玉蘭花高十餘丈叩門入觀

玉蘭高出屋香送半天來樹老十年種風涼一水迴主人勤小  
築過客感相陪似王猷否時時看竹回

能詩許丁卯不及種花翁濠濮舍南水義皇窗北風叩門慙襪

襪臥榻慣矇矓晷刻淹茶話襟塵藉一空

遊丁氏園

昔日名園今古墓卅載繁華如電露我生不識中丞公忽過中  
丞棲隱處繚垣十畝江之隈賜書傑閣高崔巍平泉綠野乃屬  
我神武挂冠歸去來中興袞袞十數公以身殉官稱鞠躬抽帆  
宦海臥林下侏儒一節欽高風惜哉未幾身溢逝富貴神仙難  
並致誰知謝傅賭碁莊即是滕公埋碣地佳城鬱鬱圍松楸斷  
堵荒荒纏薜荔分香有復賣高臺栖燕無樓藏故妓若非寢邱  
有子孫坏土行看榛莽翳生存華屋死山丘鐵限土饅膾人世  
中丞昔官吳與閩聲績表表今在人行屍走肉百千輩擬之家

肯猶非倫桐鄉不聞祀朱邑柳壘應獲封展禽表阡禁樵有司  
職奚勞過客空沈吟滄海橫流事事非我來憑眺愴斜暉螻蟻  
穴棺江水鬻狐狸穿塚野火灰一園興廢奚足道漢寢唐陵浩  
劫開更三十年無恙否化鶴問他丁令威

乙巳長夏留題營次

細柳營中一圃花豆棚瓜架綠交加畧嫌新補牆根竹未放濃  
陰一桁遮

三月軍書又束裝雪鴻海角跡微茫斬他種菜田園老况說南  
陽八百桑

偶感

河北唐三鎮中原晉五胡棋枰開舊局帷幄仗中樞杵倚擎天  
柱瓜分益地圖莫談華表鶴誰屋愴瞻烏

軍旅同龔校周衰學在夷鴛槎絕域使蠻邸大朝師事事葫蘆  
樣蚩蚩草莽時東鄰有處子早作效顰施

駿價市燕臺渥洼天馬徠談瀛尊國土重譯借人才戎服兵驕  
主刊章黨捕魁銅駝洛陽陌莫遣臥蒿萊

白簡時時見伊誰保歲寒吞舟頻漏網岸幘戒彈冠魚爵毆何  
急豺狼臥不安丹山有飢鳳竹實望琅玕

虎門重九漫興

南服屏藩第一門古今滾滾怒潮奔地矜截海鯨鼉窟天仰當

關虎豹圍泥雪爪痕羈我輦波濤心事夢中原重瀛鎖鑰高臺  
礮戲馬誰開九日樽

一髮山螺影渺茫登臨宋玉况他鄉天憐篋扇秋留熱才怯鱗  
詩興剩狂白鴈早應寒北地黃花晚合展重陽樓船橫海樣凌  
斗何似歸携陸賈裝

夜起不寐放歌

月輪匿海銀河煙朦朧樓閣涼無邊羈人酒渴起中夜一螢閃  
閃青釭前三更四更漏聲續萬蟻槐南睡方熟披衣出戶空傍  
徨入室悄無書可讀歐倭譯本來海外波譎風靡全世界天開  
異境想非非一讀鯁生一稱快儒冠已爲書痴誤卅年鑽紙如

蟬螽思爭壁壘躡新軍坐弔邯鄲羞故步後來居上境益佳轉  
瞬新奇棄陳腐摧燒休煬秦坑灰采石他山亦予助無端哀樂  
心濤波詩成非笑還非歌側身天地一長嘯睥睨萬象供婆娑  
江山無恙酒狂健風月不死騷魂多白傳篇章老嫗解不勞撫  
鏡紆雙蛾神仙遊戲即三昧凡事執着皆成魔斲輪六經等糟  
粕郢書燕說奚論佗梧階絡緯蟲悽吟涼颼四字含商音長夜  
未央重入夢百年已半問何心宵殘日高墜事起檄草齋頭鴉  
滿紙壁陰曾有幾多時銷磨衙鼓朝昏裏

維舟城下月夜抒懷

暫泊原同不繫舟城圍畫鷁小勾留明知彼岸回頭是轉問乘



棧快意不十里帆檣燈火市一江星斗管絃秋蛟宮貝闕多風  
露誰做吟襟倚舵樓

幾番缺月看成圓容易秋風又一年事過輒忘還繫戀宵涼無  
緒只拚眠南飛鳥鵲天如水東逝鯨鼉海化煙歌倦榜人譙鼓  
寂浪花徹夜打舩舩

放舟

初日在東南三神離即閒一槎天外路數簇米家山欲駕尻輪  
去饒誇眼界還粵遊美人好鐵網出紅珊

食蟹

尊前身世恍江湖傲客侯鯖味敵無一夜水鄉飛夢去緯簫漁

火境模糊

乍見團尖慰老饕筠籠送到海南艘蛤蜊且食忘諸事不說尊  
驢韻更高

西樵山觀瀑偶成

長虹穿澗見奔泉星宿慵探石壁天轉為一斑窺豹誤名山留  
下再來緣

裂石盤渦百丈巖分功霖雨潤人寰末流一例歸渾濁何事清

泉獸在山

某公讀  
書處

隨提帥巡洋歸

鴈鴈秋空闊南征更北征一身江海舶衆醉笑談觥斷續風中

鼓嵯峨畫裏城誰人知昨夜熠燿共宵行

秋熱

槐柳青中不斷蟬驕陽灸汗九秋天花房歛日香霏夜水檻黏  
萍鳥浴泉乍有壺冰心皎皎曾無筆露腕娟娟喧簷不待梧桐  
雨只乞微陰穩晝眠

信筆

入冬無樹不青青霜信南天總未經忽地西風生木末兩三黃  
葉却飄零

秋日遣懷

四壁悠然靜殘編一卷無天人涼戀熱夜好月憐孤小雨華胥

境秋花絕代姝殷勤勸盃酒詩膽放豪麤

來此吾誰遣餘生但聽天禪中蟻蝨絮轅下駑駘鞭濁世海成  
陸神山風引船栖栖慙道路漂泊又經年

畧有城池意天開一砦荒官衙山庇護市舶海迷藏無佛稱尊  
便依人作嫁忙登樓一憑眺何處駱歐鄉

無詩疥齋壁分少碧紗籠原是知名士幾如受雇傭斯文天久  
喪玩世我猶恭溟渤淘空闊誰留齷齪胸

即日

月鏡團團出海東山河破碎影當中蟾蜍蝕後光依舊碧宇空

勞貫白虹

解嘲

懋官印局代印

綺歲談兵杜牧之而今禪榻髻將絲秋娘不作春婆婆萬事當場付可兒

放翁老學強名庵堆案楞伽已倦叅口業些些詩剩在泥犁行且懣瞿曇

莫緣種菜訝英雄退步甘爲田舍翁巢許買山貲足否依然窮士在蘆中

陸沈浩劫起胡沙除是桃源可置家遼鶴歸時宮狄去不如滄海臥牛車

早起

似水衾單燈不花晨興客子早於鴉入江漁火垂痕直墜露星河近曉斜枕上一宵千想徧鏡中雙髻幾絲加朝朝日出人煙起生事何時說有涯

讀韋蘇州集

初日芙蓉謝五言誰窺喜柳舊籬樊短編燈下鐘磬作萬寂荒齋剩一喧

千秋嗣響在新城衣鉢尙書薄後生入社招來王孟輩便教四哲配淵明

秋宵口占

月鈎依舊到高齋塵榻匆匆去又來瘦石疎花相膩媚只添蟀

響上瑤階

漏鼓官衙接麗譙  
惺忪涼夢夜搖搖  
三更月墜闌干角  
坐看明河轉絳霄

聞宮中近尙又麻雀之戲戲成一詩

天公電笑棄驍壺  
新戲如傳打馬圖  
玉漏鷄籌忘蠅枕  
金丸雀彈雜蛇珠  
上林倦鬪枝容託  
方岳聯圻注不孤  
誰伴高臺銅爵去  
處堂聊共燕相娛

閱邸抄

彈章剛出薦書馳  
朝暮人才判拓夷  
共信風潮奇宦海  
從知月日誤當時  
黨碑北宋千秋鑑  
史表西京九等疑  
莫訝名場紛黑

白長安近局本如棋

冬日腐懷

粵遊勿勿半年過  
百歲吾生一剎那  
鴟舌人叢通歎少  
犀心言下匿情多  
軍中苦樂禁王粲  
嶺外蠻夷長趙佗  
欲覓丹砂種紅豆  
南來此意兩蹉跎

漫感

衣冠江左盡夷吾  
古聖才難論似誣  
裨海九州槎奉使  
戎裝七國騎成胡  
麒麟閣竚功臣貌  
蟋蟀堂供宰相娛  
敢效淮陰蒲樊噲  
橫行十萬入匈奴

紀事

石破天驚白日雷何人惡劇費疑猜葡萄西域通夷使瓜蔓東  
京戮黨魁風鶴幾堪鄰藉口池魚須信禍方胎暴屍男子無名  
氏大索長安邏騎來

藏身久鄙兔三窟愛客猶誇鯖五侯驃騎威儀功羽劍貂蟬勳  
貴換兜鍪誰陳相業糊塗好正屬羣情反側秋載鬼一車占遇  
兩天心原不墜人謀

無題八律

漫畫新蛾覆舊圖麝熏繡帳博山鑪千金禁體潘妃屨百琲輕  
軀石氏珠歌倦凝雲頽象板酒闌笑電起驍壺王昌近在牆東  
住可待銀河駕鵲無

十二層城處處春藍橋隔斷襪羅塵未勞青鳥啣瑤札只許烏  
龍臥錦裯見慣司空渾不訝近前丞相怕逢嗔折腰孫壽饒姿  
媚忙煞東家任效顰

箱留黃竹嫁衣空重繡紀央爪未工斫樹人依羿妻月妒花天  
送醋姨風乞方獺髓癩容補隔座犀心語乍通買賦阿嬌曾不  
悟長門何異未央宮

迴腸百結解綢繆縮就同心合子不掌露侍臣蠲渴易臂砂女  
伴驗痕羞分無玉杵聯雙璧願有黃衫借寸籌一角屏山天樣  
遠傾城釵釧隔簾鉤

盛時勅使選良家膝上君王擁麗華入道宮娥撤環瑱嫁胡公

主抱琵琶局心雙陸籌孤注殿脚三千誥五花越女采薪羞竝  
輦江頭日浣苧羅紗

大道青樓霧結埃瑣牕曉夢破車雷紫駟簾外默歡去白燕釵  
頭伴我來角枕單棲鯨迸淚玉臺誤下鴉疑媒宵殘蠟炬成灰  
久心字鱸溫篆未灰

傷心錦瑟問餘年翠袖盈盈顧影憐棄扇班姬珍篋寄索金畫  
史悔嬋娟高盤髻髮菱開鏡多買臙脂莢散錢莫信三生妃牒  
在模糊鰓墨條銷烟

落花忽地上高枝誰道相思事盡癡壺嶠樓臺生滅易羅浮風  
雨合離奇海槎攜得機邊石溝水飄來葉上詩紅豆情根未牢

剗薦蘿牽蔓藕連絲

讀史

晏儉何勞議管奢甕金海物賤泥沙五銖仙子衣兼雨一饌中  
人產十家八百胡椒西域藥萬千妃屨後庭花寇公蠟淚孫宏  
被佳話於今並齒牙

次汪莘伯厓門懷古韻

小朝殘局結厓門遺蹟荒涼島上村事去龍髯攀海底潮高螺  
髻斷山痕六陵屍朽楊髡出一表名簽謝后尊何似冤禽填石  
好滄桑往劫忍重論

次汪惺默韻

雨過軒牕暑不侵紗幮鎮日夢相尋未秋原有炎涼事似水應  
無熱惱心腸剩藕絲方乞剪手生荆棘久疎琴新詩易就懷難  
遣願得筩杯一醉沈

丙午七夕

小扇輕羅又一秋銖衣瓜果拜鍼樓蠅蛸網戶驚蛩蟋烏鵲填  
橋怨女牛風露易涼天上信山河誰共月中遊星駢隔斷盈盈  
水不及乘槎萬里侯

夜遣坐懷

白晝暑如焚貪涼坐夜分冰肌疎夏葛錐喙繞秋蚤水碧紗幮  
地脂紅簞印紋蓍騰當日事都似夢中雲

秋宵寫懷

星槎博望漢通侯欸段何如馬少游世局看棋長袖手功名對  
鏡怕搔頭宵闌月上中天迴雨過潮喧萬壑秋田舍計成諸事  
了元龍百尺讓高樓

閒情

紛紛謠詠到蛾眉雲雨高臺一片疑南國情根任人種本來紅  
豆號相思

微波辭意語猶緘玉樹風前白紵衫尤物分明非禁巒橫陳嚼  
蠟也生饒

戲拈

無端一顧感橫波青眼榮於眄睐多意外頻逢眞負汝衆中初  
見早憐他原知楊柳當年好爭奈蓮花不染何片語殷勤思共  
吐前頭饒舌有鸚哥

可如梳子寸心同蕙笑蘭言一室中履屐使才年少事鞦韆高  
韻半天風香殘隔座衣猶好花認全身鏡是空醉臥玉山人易  
覺練裙留字倍匆匆

中秋夜口占

海外非無貫月搓歸期屢誤卜燈花家庭今夕團圓話念我猶  
如我念家

斜河絡角四更初皎皎纖雲絕碧虛月色年年都似舊人閒天

上事何如

八月十三夜

閉窗推月去安眠路入銀河一片煙夢覺乍疑天已曙不知月  
在紙窓邊

中夜

夢境墮三更詩從夢續成酒殘人自醉燈死月猶生萬感迫中  
夜寸心思舊盟宵闌不能寐倚枕數雞聲

秋蚊

秋蟲都可耐叵耐是秋變喙利衣穿襲聲喧帳逼氛風簾妨夜  
集雪案竚冬勤不少驅蠅塵營營莫解紛



節近重陽時客虎門一載矣

授衣節物感塵裾樓閣西風短鬢疎雞鷺生涯前定已燕鴻蹤  
跡隔年初未成歸計方充隱欲賦登高孰和予白雁江南涼信  
早長安落葉事如何

偶成

一雨成秋嶺海天久晴乍冷訝今年涼痕江上芙蓉日寒思城  
中橘柚煙單枕紗幮殘夜漏故衣畫篋舊時綿亦知再熱須臾  
爭團扇班姬忍棄捐

重九

九辨悲秋任續騷詩狂放瞻輒題鯨龍山歡笑牛山泣未抵東

離一醉高

美酒登高又九秋名山斗室據嵒嘯白衣烏帽多於鄙人比黃  
花不一流

信筆

酒熟蟹肥花已黃楓江九月雁程涼巔南何似江南好樹是丹  
青天不霜

感事抒懷

三百年宗社興亡六七公大同環海局小試柱天功燕雀歡新  
廈睢麟陋舊風明良君相出萬彙轉移中

大勢成孤注長安似弈棋新編歐譯本往事漢官儀韓版原如

劇簾壺早迓師銅駝宮闕迴夕照影離離

長楚忘前事榛苓望美人但工狐鼠計群信虎狼仁夢夢天方  
醉欣欣物自春哀歌音斗室眞宰訴遭噴

益地西王母何年賀獻圖化胡慙老子親漢是匈奴苜蓿槎迴  
滿珊瑚網索無井蛙難語海鄒衍說模糊

碧海揚塵感黃人捧日祥焚山藏介子煉石擅媧皇秘戲魔宮  
隊酣嬉鮑老場夜闌大白沒耿耿看天狼

三島神仙窟周流貞月槎桑田銷浩劫節使耀皇華人是東鄰  
好天無北極差武陵問漁父何處有桃花

十二樓臺曙銖衣上界仙願尋羅雀地去舞甕鷄天名士饒三

顧蚩氓戀一塵美新公等在但草子雲玄

拋下西湖去經年客嶺南囊裝金易盡蠻語句難諳逐鹿中原  
事雕蟲我輩慙爲誰心駑蕩不醉已醺醺

遣悶

疑有疑無兩似嵐模糊庭院入春三久晴人願重陰借乍冷天  
禁小飲酣十月早梅暗嶺上幾家秋柳畫江南瑣窻塵榻涼於  
水詩境空青自蔚藍

一詩鍛就百回看點雪功夫喻鍊丹著相太眞求渾脫賞心未  
幾興闌珊瑚東西塗抹人垂老歌舞江山酒易寒斷錦零璣誰棄  
取篋中束筍聽叢殘

讀史偶成

不見周官與漢官名場新樣沐猴冠  
曼纓胡服威寰海帝號同尊天可汗

撐犁不識誚胡奴解道蘭闈慰客無  
學佛梵音嫌般若成詩蠻語劣嫌隅

感懷

徇海媧天萬彙稀戈能返日少人揮  
爭談赤伏中興運可許黃池末路歸  
風異馬牛芻並戀月明烏鵲樹誰依  
草廬果有躬耕地長作南陽一布衣

夜坐

霓裳風露夜悽清月殿姮娥無限情  
斫桂辛勤何日了不如搗藥兔長生

春草和韻

江南不解怨王孫妃冢青青塞外痕  
春去六朝尋艷跡綠回千里誤情根  
禁煙榆柳錫逢節拾翠蘼蕪屨斷魂  
依舊南國胡蝶亂裙腰一道繞朱門

虎門感事

千山環一砦絡以海如帶屹然柱東南  
五嶺雄障塞鸞帆凌蛟宮門庭了無礙  
提封大將轅滄瀛照旌旆聖清昔全盛  
海鏡警萬彙碧眼波斯曾重譯煩候尉  
琛贖梯航臻氛埃桴鼓噫太

平恣酣嬉巨市起蠶薑裊裊芙蓉煙劫灰焚世界礮臺高峨峨  
夷舩如電邁一戰全帥殲臺荒剩遺檐桓桓忠節公嶼碑留墮  
泪談國多庸臣接踵一至再人非白馬盟地忍盧龍賣五口許  
通商坐失中夏隘金繒媚契丹不如此錯大嗚呼一著差萬歲  
竟貽害重門既洞啓臥榻任齧睡炎黃虞夏裔混合腥羶穢曩  
圍日多事鯨牙利張喙星躔歲申酉法輪煽爍燧勞師來重臣  
炎邦禦魍魅使非絳和戎一蹶可不蔡請觀甲午役望風輒頽  
潰邱貉與沙蟲湘淮嗟一槩社稷生李晟城下盟無奈村柚猶  
罄懸河山同甑碎孤注一擲空殘碁一局敗繁富尉佗城亦復  
異曩態世事迭反覆天運循否泰中興屬我 皇周宣出今代

洪鈞包八荒圓球聯萬類管商易儒緩貧弱起厓療維初首經  
武方召徠闔外豹韜飭鈴符蟹書珍販稗汗簡藏冢中戎裝變  
區內張置兔公侯集泮鴉將帥今日龔舍晤他年麟閣繪陸師  
具規模水軍慙池廢制勝道未全並舉力難逮剽鯢之寸刃跋  
浪誰鉢劇都護出西域無舩誰越界將軍討南交無舩誰下瀨  
祖生親擊楫吳兒驚削柿習戰鑿昆池豈不知惜費百萬水犀  
弩今看幾艦在粵惟海南陬蛋戶族鱗介網珊出鐵絲魚珠壓  
文貝黑風吼萑蒲白晝闖闖重洋萬舩沒慣見了不怪未嘗  
無舟師泛若鳥鷺隊吞舟網多漏藉賚飽糧械搜牢徧局鏞徒  
遺行李累敵艦一憑臨糜若卵石對英英臨淮胃年少躡高位

薦表朝署名將壇夕膺拜圻父備爪牙疆臣資指臂當今數方  
鎮幾如荀勗貴趨轅王述忙望塵潘岳愧我來叅其軍下吏慙  
一介未坐聽高談捫蝨謝慷慨千舳龍驤威十部貔貅隊彈雀  
輕隋珠力因羣盜瘁綠林下江徒狙伺客心戒獅兔虎鼠喻難  
爲賢者諱儉府多芙蓉籬菊厠顛顛投壺治樽俎草檄嗤藻繪  
鸚鵡噤雕龍孔雀妒金翠懸預南州樹飛逐西園蓋挂版任吾  
曹運籌仗公輩薦禰孔稱豪伍噲韓奚悔樓船駕溟渤從遊文  
武萃海山排莽蒼海潮舞泐泐宙合爲我開一洗胸芥蕙舵樓  
蘆霄漢萬象扶暉毗森嚴鈴閣地岸幘入賓廡胡笳亂衙鼓吟  
漏恩僧唄伴食郇廨佳連璧陶齋億短篇展歐槩悶讀亦殊快

何勞亟謀歸掾隱聊自慰

丙午年七夕寄內

家家瓜果看人忙誰遣此離到此鄉海客星槎來往易不勞鳥  
鵲駕橋梁

書來別緒轉綢繆香霧雲鬢滿鏡秋病後銖衣怯風露莫隨兒  
女上鍼樓

被檄入督帥幕

逐隊芙蓉幕下賓折腰差免拜車塵參籌帷幄成何事大似中  
書伴食人

如山吏牘日催逋鈴閣深嚴一客無廢事自懸詩酒戒陶公原

不禁撈蒲

劉子占大令出示詩册漫題一章

零珠斷錦抵瓊瑤盈斛羈懷展卷銷餘事才人出遊戲少年幕

府造資僚

久崇岑巖勤  
張南皮幕

基桴斂手名場局襦袴歡聲舊令誦吟

展嬉春越臺去衙塵鞞版謝逍遙

結交篇

芝蘭與鮑魚漸斷交必擇半生守迂談神悟啓一夕茫茫塵海中  
風馬自相適倘非宿生緣何勞訂車筮太上貴知心其次期  
得力緩急不棄遺黃金解窮厄先登要路津好風引鵬翮休戚  
關形骸笑談吐肝膈如此二三子便足勝千百藤蘿譏攀援松

柏譽孤直取足濟吾事誰問夷與跖賢哲豈不佳泛泛復奚益  
奈何不相逢空抱金蘭籍交道風日偷欲言憤盈慮當年拜路  
塵轉眼投井石不必經盛衰遽已變今昔內藏真戈矛外結假  
膠漆滔滔斯人徒險若鬼與或謝客翟署門絕交管割席不如  
虛委蛇逢場聊戲劇

偶憶浙中舊遊拉雜書此

扁舟吳越畫中人湖上垂楊入夢頻我到杭州三十載故應蘇  
小是鄉親

蒼雪人家住水村煙波隨地有桃源南湖過去吳江近笠澤鱸  
魚侑酒樽

剡谿東出是天台畫舸籃輿屢往回畢竟山行輸水宿不曾聽  
瀑石梁來

巾山山半瞰全城東郭湖光一片橫山北山南無十里桃花開  
足始清明

市塵日密估帆多十載勾東一刹那莫問霸圖烏喙事蛟門近  
事半傳謊

見說東湖境最奇浪游我悔不曾知天童雪竇人人道名士虛  
聲動一時

招寶山巔盞梵宮殿前樓閣壓秋空憑欄一笛蛟龍怒舞過樽  
桑碧海東

鐵船鐵噉兩禁當鬼哭神號劇一場記得硝煙彈雨裏天低日  
色似沙黃

栝蒼巖壑最荒寒一歲遊蹤興未闌他日裏糧重蠟展閒雲莫  
作故侯看

颯路天教作厲公方音可奈不全通江心嶼似蓬壺好況入龍  
湫雁蕩中

買鯽魚口占  
再錢半千魚一尾鯽魚味比鱸魚美緣何價貴市無多過江名  
士稀過海

夜雨

深痕成暈一鏡欹聽雨桐牕就枕遲冰簟碧紗當夕久也隨統  
扇棄班姬

感事

磐石封疆累卵危蔓抄黨禍漢唐遺而今不是當年局漁網兼  
收鷓蚌時

蟻子蚍蜉豈足收網疎每每漏吞舟可兒小范君知否先把監  
司一筆勾

又二絕

津橋鴨語是耶非屢見南人作相歸再起東山原易易不同西  
市載朝衣

定論何勞待蓋棺一篇人表出爭看陽秋月且徒多事只遣佳  
兒作史官

秋暑

大廈秋來苦鬱蒸簾波蕩壁枉添層思穿蓮葉魚同戲怕見樽  
桑烏乍升雲欲頽峰都是火山如倚石不嫌冰閉關裸飲眞吾  
事穢穢炎囂謝未勝

偶成

浮雲翳日雜蜺虹忽地雷車碾碧空雨過月涼天似水只防蜃  
氣出蛟宮

酒懷鬱鬱久難開快事今番第一回誰爲我歌吾起舞醉君不



惜百千盃

秋暑

未能成一事擾擾市朝中大局群才會新詩小技工園居覓桑  
苧雨意望梧桐秋暑炎如此從知火德隆

夜坐

宵涼燈燦乍堪親偏是飢蚤繞髮嗔把卷苦疲眠未忍雨窗坐  
到月斜輪

涉筆

催秋風雨聒朝昏簾黑珊瑚鈎不辨痕屋外青莎迴輦路江南白  
紵搗衣村心齋閒寂神孤旺面壁癡貽舌謝捫盈寸涓涓階下

水坐看蝌蚪攪成渾

漫題

池水無風鏡不波酒心起凸訝杯螺老槐生火中腔熱嫩柳成  
陰往事多佛在原知禪解縛丹飛恨少術祛魔河清難俟蜉蝣  
壽佳境逢場莫放過

悲秋

鷓鴣光陰曉夜催悲秋萬緒上心來一池水縈千卿甚六月霜  
飛舉國哀已厭儒書詩作崇未成媧石玉先灰黨人碑浴紅顏  
血此是支那第一回

又一首

池魚城火馬牛風怪事慵書向碧空  
悔看櫻花三島外竟抄瓜  
蔓一爨中叩天誰告屍填獄  
貫日除教血變虹便化冤禽如帝  
女肯街木石浙江東

重九

西風簾外瘦何如采采東籬露  
襲裾休訝對花無一字年來詩

格謝黃初

題王息存觀察守欽圖

夙鶴倉皇百雉危圍城主客共登  
陴琴檣幸事支帆日烽火驚  
魂入畫時公案千秋兵後史巖  
疆兩粵劫中棋當年蠻府參籌

策座末何曾贊一詞

觀察披劾時  
余正在節署

平生啖荔說東坡佳話流傳嶺海多  
卅載名場嘲熱宦一官夢  
境付春婆焚書世抱藏山業倚杵天  
留返日戈旦夕 璽章來  
九陞魏公晚節未蹉跎

粵西劉嘉樹太守

名譽

補官人都道出羊城談詩甚洽出所和

漁洋秋柳之作次韻賦柬

吟懷搖曳酒邊魂詩境漁洋不二門  
塵座汪汪千頃度蠻牋縷  
縷六朝痕甘棠官舍江南守綠野林  
居郭外村畧有椰那攀折  
感金城玉塞漫同論

宦蹟秦淮瞬十霜綠楊城郭接雷塘  
成陰小杜方臨郡染汁殘  
衫久疊箱枯樹才名開府庾 椰魚  
人物過江王流傳白下藏鴉

句南部箏琶徧教坊

靈和漢殿拂朝衣扶荔長楊景漸非  
灞岸水涼青鬢改章臺人去細腰稀  
飄零絮雪沾泥舞輕薄榆錢糝徑飛  
若問桃花尋道士貞元耆舊寸心違

杜秋憔悴見誰憐鉛淚無痕碧玉煙  
一例閒情苦撩撥三春才緒悔纏綿  
唾珠貺我從今日手板隨公記那年  
似錦上林催去馬油幢旦夕五雲邊

劉太守見惠新篇次韻答謝

年來塗抹秃毫拈鉅手初逢寫作兼  
此日詩壇悔唐突異時鈴閣望森嚴  
雪泥粵徼三生跡山斗韓公一代瞻  
堪笑折腰陶令

老當風慙對柳絲纖

劉子占大令

德恒

應楊侍郎之招入都索詩爲別漫成四章

錦繡河陽舊日花  
虜公園圃故侯瓜  
軟紅塵味東風裏  
去買長安薄笨車

何處黃金市駿臺  
五雲樓閣勢崔巍  
麻姑雪鬢蓬萊島  
慣見昆池劫燒灰

尙有楊公愛項斯  
劉郎重到不嫌遲  
兔葵燕麥元都觀  
但問桃花莫作詩

三神鼈背送樓船  
景倩行塵望若仙  
璫札瑤京青鳥使  
羈人悵海南天

效錢紅豆投筆集和杜秋興示汪莘伯

鶻血唳紅錦繡林人天靈瓌畫沈森海山鰲極三神渺霧市駝  
街五里陰芍藥殿春婪到尾惹施託物喻同心催花羯鼓喧闌  
裏忽送秋宵擣練砧

鞦韆樓閣隔牆斜錦瑟流年負歲華紫陌新愁塵夾轂銀河舊  
路斗鋪榭漢宮羞鸞長門賦胡拍驚翻出塞笳陶令閒情曾悔  
否綺懷灰盡筆摧花

東風花塢漾晴暉水面游絲縷縷微一雨模糊三月了寸心纏  
繆尺書飛魔還易伏情爲崇事有難明論每違多少蠻腰道旁  
柳萬紅瘦處綠偏肥

不平世局近彈棋木石吳兒那解悲肯待溷茵禪悟後已同袍  
笏戲闌時東餐西宿嫌身累北轍南轅慣背馳盈斛鮫珠誰乞  
汝但期紅豆慰相思

書傭妄想勒燕山索米東方向世閒大廈驕人烏集屋高閣謁  
帝豹當關瓦全自守連城價金盡能低壯士顏已出甕中觀壁  
上盧前王後免隨班

九仞山虧一簣功飄零殘斷在溝中城門火起枯魚泣海島船  
迴退鷁風鈴索曉牕簾押黑缸花夜榻酒燈紅醉生夢死天分  
付得失區區塞上翁

癡絕眞成顧虎頭雌黃物論異陽秋同公同賊中分黨憐我憐

卿各抱愁弩影江中防水蠅機心局外伏沙鷗連波悔過渾閒  
事一錯徒看鑄六州

前程黑漆動逶迤吏隱曾無鬪鴨陂老去英雄慚驥櫪客中飲  
啄託鷓鴣枝跡如爪印千痕掃情比牙琴一夕移不是傷春狂壯  
牧少陵攬鏡雪垂垂

漫感

身在最高樓晴空蜃氣收碧城天遠近珠海地沈浮小住原佳  
事長卿故倦遊倚欄逢北雁雁外是神州

曉起追憶夜景

剩暑秋宵氣鬱蒸樓居叵耐最高層月斜譙鼓喧三疊風動銀

河曳一繩萬事原知明日在獨醒也恐衆人憎夢回早逐林鴉  
起湘簾紗厨曉似冰

雨中口占

再遲三日是重陽一雨樓臺處處涼未必秋心真似水暫疎團  
扇襲羅裳

送酒僱租事總佳客游寥落負吟黃花看後看紅葉畫本江

南夢小齋

卽景

破空風雨走雷車良夜今宵惜又虛誰料浮雲重翳後依然好  
月二更初天心人手同翻覆夢境吟懷盡掃除東望滄溟三萬

里乘槎消息事如何

懷鄧世諦

吟樽邈今兩閉戶日暝于語到夏盡少夢傳秋駕無羈人猶借  
榻節物過催租琴寂水仙去刺船歸賸吾

無題

了無益事想成癡  
梔子憑誰寄與伊  
匣劍紅綃遲碧落  
緘書青鳥盼瑤池  
短綫或許尋他日  
好夢何妨幻此時  
天壤王郎卿恨否  
却憐我亦髻將絲

借陳介石部曹登五層樓作歌

久棲塵壒思騰宵醉中睥睨蠻山高  
置身動作千仞想豈甘齷

齷隨卿曹飛樓壓空何峇堯崑崙八柱擎神鼇丹梯蜿蜒倏造  
頂五嶺北望如芒毫天琛海犀鯨人綃繖帆日夜張狂飈十洲  
三島一蟻垤何況芥水浮堂均憑欄目力所到處蜃煙以外皆  
鯨濤雲斤月斧何年操五丁開鑿班旌勞蠻夷大長願朝漢千  
秋臺址猶堅牢

或云即朝漢臺其實非也

霸圖一讓蹶不振夜郎似比臣佗

豪去春武庫劫火燒巨靈一發山傾搖巍然魯殿獨無恙摩天

傑構雲中標飛仙鸞鶴不可招當年使相眞堪嘲  
吐壇百拜鬼

挪弄坐令疆圉汚腥臊古人往矣如牛毛每談古事胸煎熬何

日歸裝整陸賈且從遊屐追盧敖八翼未生上天夢六翮空羨

凌雲翺家山一髮墮茫杳帝閣九重誰叩號至人胸次滄溟淘

芥蒂一洗粕與糟不慚牛驥共羈勒何妨鵬鷄同道遙此間游  
侶殊寥寥老兵索錢白眼驕山門亦用納賄進何來捷徑終南  
遭衆醉只合同醅醕得閒壺榼頻招邀登高慎勿發長嘯碧空  
蹴起魚龍潮

仿杜工部諸將原韻

某社  
詩題

虜騎塵高天壽山翠華西狩入函關燕京幸未火三月蠻邸初  
開厦萬閒宰相身甘抱犇驄侍中血幾濺衣殷蓬萊也有滄桑  
感王母桃花損好顏

金甌完缺守危城李晟重開使相旌大索竟從讐貨命小巫誰  
借鬼慶兵他人臥榻憑軒睡 行在迴鑾慰肅清宮漏隔花娛

畫水依然雅頌奏承平

甘泉夜獵近傳烽累卵何方策九重王氣龍蟠收碣渤帥威虎  
旅鞏畿封和戎府庫金縉竭鬻子閭閻賦稅供謀國而今誰是  
賴大將軍與大司農

蜃樓鼉殿盪雲標擲牝金多窩易銷處子東牆情欸欸化人西  
極技寥寥琵琶馬上隨蕃騎袴褶軍中解漢貂猶有舊時王謝  
否官儀新拜紫宸朝

中興運會慶方來難弭荆駝往日哀窮士栖栖猶逆旋諸公袞  
袞盡登臺氣豪大可詩橫槊狂甚頻思酒借盃老去杜陵成底  
事濟時原有不凡材

聞將開鴻博科漫感

奎壁中天麗月波文章揚馬道邱軻荆公變法行新政富相高  
才出大科冀北群空遺士少終南徑斷得人多投珠按劍知無  
慮碧海紅珊盡網羅

石渠豈乏著書才魯壁秦坑一例灰頗牧禁中山虎豹渥洼轅  
下棧駑駘經生應召塵羹貴名士收場畫餅哀不讀書防劉項  
輩解從壘畔輟耕來

射虎孝廉引覲入都行後賦寄

讓君一著祖生鞭看逐星槎到斗邊宦海風濤今日始曲江科  
第幾人傳 闕趨丹鳳恩承露街出銅駝事化煙欲話滄桑應

待我春明同賦北征篇

不官不幕寸身霸嶺海閒雲似我稀鴻雪因緣隨聚散蜨丸嗜  
好判從違論交浪說知人易玩世誰云昨日非游戲詩歌塗抹  
了不爭名處儘忘機

赴潮州

五載光陰兩度遊粵裝依舊佩妥鈎樓船風日鼇宮曙山斗文  
章鱣檄留闕外何關天下局囊中空賸借餘籌重來我意誰能  
解長嘯金山最上頭

潮郡青龍神誕會場極盛紀以小詩時二月初旬也

千秋胙饗屬蛇神香火南郊廟貌新燈市將開天不夜雨師已



灑六街塵

曼衍魚龍百戲驕傾城車馬勝元宵歡場到處疎吾輩不獨初逢病起朝

醜錢佔客遍重洋人戴幘幪碧海航肯似社公叨血食畧無威福到村氓

六街簫鼓鬧甌東竟月喧闐事不同今歲可能如往歲萬懷迸

集一燈中

温州春時與欄街福竟月極一時之盛

病起

東風綴水釀春寒病起眠餐自護難夜雨徹宵欵枕聽好山無力上樓看酒闌拔劍心猶壯詩就揮毫臂覺酸聞說城南鬪車

馬幾人蠟屐共尋歡

漫成

太行百折黃河九曲山川險絕何如人心之艱我心古井水因君亦欲起波瀾鷄雛嚇鼠荳蕙爲茅世上原多此一流兩眼無珠良自羞大夢忽然怙焚却金蘭簿與我好者爲好人甯我負人毋人負

又一首

白晝逢妖魅青燈對古賢妄思身外事猶繫海東天舊史三千卷今皇第一年神京在何處搔首五雲邊

別陳伯宜茂才時余將入都

花名解語酒當歌奈此旗亭促別何肝膽新交名士塵髻鬢夢  
影美人蛾空囊吾輩揮金盡似奔長安變局多漫說軟紅京輦  
事樓船計日狎鯨波

蛻盦賸稿卷五

起己酉三月訖辛亥八月  
己酉三月二日仙巖紀遊

宜黃符 璋

夙聞仙岩名卅年抱遐想非無山水緣韜鎖苦羈鞅上已逢禊  
辰鶯花日駘蕩綺筵狎時彥壺榼恣歡賞猛雨宵暮來申旦顛  
清朗南浦綠已波緒風動蘭漿蜿蜒卅里程山翠壓蓬榜峨眉  
見浮圖梵宮一何敞象教久凌夷佞佛猶合掌導游入梅潭嶺  
仄挾僧上遠聞雷瀑喧未到神已爽倒流翻銀河高崖越千丈  
不勞巨靈劈一峽自成兩孤亭百尺遙飛沫濺人顛覓長接齋  
廚確轟覆棚廠煮茶洗鑄杓澆花挈瓶盎巖寒雲懶栖泉奔澗

留響清源歸濁流萬古同一往深林嘯語誼陰壑踞烟颯鑿險  
窺洞天賈勇謝疇曩摩崖雪鴻爪姓氏存想像桑下戒三宿嬰  
纏矧塵網散人無町畦屢駕不嫌枉宋賢朱與陳遺構在林莽  
高躅逸千禩坐令後生仰良朋愜嘉招肯靳屐幾網名山讓僧  
占此事愧吾黨裏粮行獨來山靈盟息壤

放言

飽死侏儒笑朔飢醜類嫫母毀西姿漢皇愛少臣年老李蔡封  
侯廣數奇獨酌市樓人不問意行坊曲路多歧狗屠燕趙今寥  
落擊筑何來高漸離

高編脩潛子詩冊辭題

一卷耐沉吟微茫言外心郢斤忘鼻堊燕筑渺牙琴韋杜鶯花  
海嚴徐著作林願談騷雅事投謁愧塵襟

雜覽近人刻集戲拈

汗牛四部堆故紙梨棗麻沙事未已揚雄醬齧李賀圍不待祖  
龍秦火起仰屋苦辛年復年千金享帶名山編甕中自舞醯鷄  
天嗟嗟男兒蟲可憐

都門漫感

碣渤千秋王氣多建章門戶鬱嵯峨螭頭香案趨 丹陸鰲背  
瀛壺隔絳河地人薊遼驚往事人逢燕趙聽悲歌南枝越鳥巢  
林久代馬輕裝試一馱

青瑣紅樓大道塵車雷何日角生輪賦金買笑羞空橐厝火陳  
言厭積薪上界五雲天外關長安三月水邊人曲江花事今婪  
尾猶及櫻廚殿好春

玳梁栖燕屋嗁烏鬻鎖蟾留屈戌鋪舊曲琵琶沙邏木新粧鬢  
鬢大秦珠駝街荆棘銅仙淚驍箭蓮花玉女臚炙手已非丞相  
熱酒胡不避霍家奴

環海梯航拱上京八方無事 詔空行王商外國瞻儀表胡廣

中庸仗老成江左夷吾能卻敵禁中頗牧盡知兵上書浪屑長  
沙涕索米東方笑賈生

侍子聯翩上國饗而今簷屨狎溟滄化胡老子期西域傾國佳

人竚北方只見鶩搓收苜蓿未看羿彈射樽桑珠槃玉敦冠裳  
會衷甲尋盟記楚王

鮫居蠻邸滿神州寢榻深深恣臥遊計失丸泥函谷口力窮一  
障狄山頭墅棋原易翻成局媧石偏難補缺甌幾輩解貂供醉  
舞鳶肩獨上市中樓

桑田三度見蓬萊日下黃金渺廢臺玉笛宮牆偷曲去青驄溝  
水拾詩來車前騶卒拉同伴座末鷓班愧屢陪緇素征衣塵並  
駮滄浪何處日徘徊

蘆荻吟風柳霧煙江亭夏始景清妍二三洛下裴王侶尺五城

南章杜天

章一山檢討  
同游陶然亭

稍暇等車招故舊懸游壺礪儼神仙平

生挂版迎西爽肯對名山斬一鞭

遊  
西山

懋官印局代印

書所見

破瓜碧玉嫁經年索乳阿侯攬晝眠三日耳根鶯嚙雙瞳塵  
外水娟娟禁撩薄怒花將贈空惹閒情珮不捐招悵恰如昔人  
句坐來雖近遠於天

誌感

玉臺金屋事都非縞袂仙妹愴總幃晚嫁誰知偏早寡雙栖無  
分竟安歸紅絲懊惱三生籍翠袖嬋娟九月衣四壁長卿殊負  
負寸心莫訴斷琴徽

湖上口號

重濯纓塵倏十年宣明無面對湖天入時衫扇衲出家如晝樓  
臺似葉船飢柳欹秋蟬欲瘖疎荷戰雨鶯還眠置身高處收全  
局不及吳山馬上鞭

醉後示客

怒罵髯蘇雜笑嬉髡心那得最歡時少來陳跡鴻迷爪身後名  
山豹賤皮對座黃花愁晚節緘情紅豆惹相思問天天亦猶人  
醉焚卻離騷擲酒卮

航海至坎門

山裏有山天外天重瀛一島屹孤懸繫殘混沌滋他族淺到蓬  
萊又幾年市集幾家苦作瓦潮廻十里鹵成田武陵返權嗤漁

父不及風輪碧海船

由坎門至玉環

籃輿逐晨鴉行行卅里賒  
島間原有國山半自開  
衙冠屨蚩氓舊錢刀  
估客譁恩恩三日住  
歸及海邊搓

即日

百十人家共一城  
繞山雉堞數分明  
田廬此日無完土  
碕當年有重兵  
案少簿書官臥治  
驛稀廚傳客孤征  
閒雲來去都無定  
壞何勞記姓名

夜雨

雨裏殘釭閃閃青  
空梁易火墜流螢  
不風薛荔隔牆動  
疑是山

艸窺紙櫺

晨起

空堂五更雨一榻擁衾單  
黠鼠翻煙疾饑蚤撲扇  
彈我行胡至此夢境幸差  
安閒寂誰同語高齋坐曉寒

仙人洞下觀瀑

千尺飛流隱水源  
怒雷誰遣裂雲根  
莫嫌水勢秋來小  
灌足山田百十村

捫蘿腰脚怯躋攀  
只愛看山懶上山  
台宕久遲雙屐跡  
裏糧五岳幾時閒

仙巖仙洞幾飛仙

瑞安仙巖  
布瀑尤奇

白日山精嘯青煙  
玉札丹砂皆瓦

礫只從靈府濯寒泉

洞多藥草

山紅礪碧繡芙蓉斜照林巒隔嶺鐘鳥道乍疑無人徑忽看樵擔下危峰

閱志書

木嶼今窺奧

地名木嶼或稱木榴又作木陷

珠崖舊棄疆三壺澎潞島

與臺灣澎湖定浙江

海接瓊定海古稱潞洲

萬船颶颶橋規畫助賢往

李敏選衛

流傳志乘荒自移

南渡蹕結局愴鯨洋

聽以宋高宗留環得名

口占

耕魚老死不出門婚嫁咫尺不出村但除厖吠擾官吏一任龍戰掀乾坤薯蕷燒飯布作禪世間無地無桃源海舟五百童男

女何不到此長子孫

漫感

牛車臥何處滄海日橫流欲覓田橫島難逢徐市舟觸蠻殊擾瘦身世誤悠悠霸氣消沉久荒廬寄駱駝  
朱眉山廣文以唱和近作見示即次其韻

冠盖么磨斗量穀如蟻附羶蛆聚肉先生高揖義皇初吏隱差堪共梅福集鱸講舍鄙徵兆鬪鶴吟壇勤角逐我初未讀詩翁詩詩名騰播人口熟長箋細書界佳貺三峽詞源江海蓄霏珠  
咳唾舌生花鏤雪肝腸心似竹臯比一榻廻俗駕祇有丁儀頻往復  
與杭州丁部曹唱和風癡霏潦憫灾沴大慮龍蛇眞起陸探詩不復

過輶軒徒今登音出空谷欲和陽春苦乏才媿我空疎但捫腹  
放歌再疊韻

英雄退步思辟穀屠門大嚼況無肉海客狎鷗不在盟塞翁失  
馬庸非福請劍樓蘭少年事欲滅月氏誅日逐平生所願一未  
償彈指光陰羊腓熟蠹魚鑽紙事奈何斥盡羣書罄儲蓄長安  
去種邵平瓜吳下來看子猷竹書生一事恥不知春秋九世讎  
必復補失東隅日返舍蹋翻西海塵揚陸雲龍應會起真人藏  
拙吾儕台山谷賣塞盧龍知不知何異藏珠甘剖腹

題張蒼水集

碧血青燐獄壁詞擎天有柱廈難支股頑甘載逋勾甬越千絕

秋愧種蠡南渡椎心文謝局西湖鼎足岳于祠睢陽聞笛抒忠  
憤莫認留名戀豹皮

七尺孱軀百折磨忍看破甑棄山河石齋詔獄長虹掩梅嶺靈  
旗夜月過易逐星槎洲上舶難迴日馭陣前戈緬俘未獻身先  
死免聽滇鏡凱宴歌

紀事

懸鞞置鼓助宸聰妄說雷霆不發聳新制分明還舊典時人偏  
信泰西東

膺滂黨禍史羞陳輿論熙朝許共伸葑菲蕪蕘都易獻最難當  
局折衷人



詩書發塚瘞咸陽鷄狗三千養孟嘗諤諤而今非一士何勞月  
日覈雌黃

藉寇資糧倒太阿一言不置奈公何方虞鵠蚌歸漁網同室禁  
操大敵戈

梅花次郭嘯麓觀察韻

平生標格太矜持姑射冰肌世外姿得地強於林下隱結盟難  
在歲時寒霜禽和靖孤吟悄翠羽羅浮斷夢悲剛欲巡檐採籬  
落打牕雪片又紛披

除夕

燈紅酒綠厲公廬臘鼓聲中歲又途漸長兒童催老入分陰事

業擲空虛春風已逗殘年末旭日應看復旦初草草辛盤今歲  
了不知來歲果如何

庚戌元日即事呈郭觀察

殷周信有中興年萬戶祥雲爆竹煙  
焚歷開頭千聖祚椒觴婪尾一家筵  
幸便慵拙辭鞞版欲頌承平少管絃  
寰海不知何氣象熙臺近在駱歐天

紫微晴雪早朝詩東閣賓僚又一時  
上壽暫違親舍侍陽春久慰部民思  
爭依使竹宣風節催放園梅向暖枝  
勝事衙齋排日數吟樽次第到燈期

江御史春霖改官紀事

仗馬班中奪豸冠一時風動柏臺端 聖朝豈忍讐清議詞苑  
差堪位謫官草賤菘施心拔易日廻葵藿願償難一鳴輒斥眞  
非謬不似棉花總耐彈

龍泉令陳香雪太史罷官客且園久歸時以詩留別次韻和之  
棠陰父老久謳思吏道當年異此時退步無田羈拙宦不才何  
物藉酬知名場成敗長安奔小技雕鑿近體詩有數吟朋鴻又  
渺鷓鴣飲啄尙卑枝

歡筵易散夜如何門巷枇杷舊日過影事模糊原是夢中年哀  
樂怕聞歌神仙未劫塵揚海富貴癡心壽俟河休訝對花情索  
寞綺懷灰後遜君多

借盃我更勸名流醇酒餘年足解愁處子東鄰甘積毀秀才小  
范枉先憂一官傳宮場眞戲過海風帆船已收從此妾心成古  
井波瀾不起滅浮漚

宴飲平原送主賓題襟半屬幕中人一觴禊集荒吟社三日歌  
梁黯墜塵柳絮風前無定跡桃花別後易傷春神交畢竟形骸  
隔晨夕何如塵尾親

次韻再和

易緘紅豆慰相思難遣離魂綰柳枝夢境苦無長醉地吟懷濃  
似錢春時新歡裙屐盟如舊小別雲泥事莫知萬縷離痕何處  
覓屋梁月色卷中詩

故國三神一權過勾留無計奈公何雲慵作雨思歸岫節近藏  
煙記上河悟境幻成蝴蝶夢詩心淒入鷓鴣歌屢痕乍掃吟樽  
冷新綠南園雨後多

江湖空抱廟廊憂棄婦何人覆水收已歎婆娑憐樹老轉因憔悴  
替花愁詩亡一線延騷雅酒熟千觴狎輩流見說鷓鴣臺閣  
滿坡翁只分作閒鷗

詩瓢酒榼鎮相親雅集梁園主共賓客燕同依忘大厦啼鴉未  
促有歸人遲遲漏箭花梢日黯黯窓紗壁字塵禪榻樊川消遣  
否政應傷別等傷春

三和

風過旃檀去後思茫茫人海少心知種花潘縣忘前事掃榻梁  
園閱幾時歸宦并無廉吏石鈔胥解誦厲公詩折梅道出江南  
驛可勝吟箋寄一枝

苦心杜老學陰何殘稿囊中束筍多洗抹丹青留本色屏除絲  
竹愛清歌雕梁紫燕呢喃伴溝水青驄踐蹠過若到旗亭看畫  
壁雛伶高唱有黃河

頑心未解杞人憂醇酒當筵擁莫愁爲賦閒情輕月旦已參禪  
理悟風樞蕭何空識無雙士溫嶠甘居第二流可似山雲歸岫  
好戲闌鞞版一場收

下吏叨陪東閣賓詩壇槃敦日情親賈生自合居前席潘令何

堪望後塵花徑漸疎吟屐跡鞭絲大負禪筵春未終鼓瑟湘靈  
去只見江峰不見人

香雪大令將行再柬二律

西園讌賞久忘疫慣向花陰接履綦吟榻將懸人去後歡筵怕  
到酒闌時原知茵溷無因果但是萍蓬有合離詩社翩翩羣彥  
在故廡臭味不差池

幾人宦海見迴船况有柴桑二頃田子舍多才森玉樹詞林舊  
寵撤金蓮杜門未必忘斯世呵壁無勞問彼天為念蒼生應再  
出願將鐘鼎換林泉

次郭觀察見東韻

為辭瑞  
安篆事

故我依然在群兒一闋時風高終展翼火迫甚燃眉障扇塵防  
汚盤鍼路出歧瘦羊同博士錯認圈牢犧

又呈一首

漆園葵螻正蘧蘧片紙憑空下郡符毛檄不酬三釜志粵裝誰  
信一錢無私門暮夜情原密公道陽秋論未誣蛻憤何難投地  
去漫將腐鼠嚇鷄雛

次黃仲荃司馬

式蘇見贈韻

叔季百無一事可人文此日益卑卑江花竟老聾丞秩

詩申及  
江發叔

謝展空留述德詩退步名山須福命論交海國慰相思如絲

書莫教絕且擁臯比作大師

君方監督  
州師範學堂

又一首

龍戰河山棋入劫，鷓鴣飲啄秩甘卑。  
宦遊何地猶完土，歌哭吾曹忍廢詩。  
二上韓公時相棄，四愁平子美人思。  
足音晨夕期空谷，儒雅先生况我師。

逆旅口占

飯顆詩翁叩市門，不期酒肆見王孫。  
醉眠阮籍須臾去，誰着壚邊犢鼻褌。

于役瑞安下榻縣齋漫成

不聞蟬噪只蛙鳴，草長池塘與屋平。  
午倦北窓謀一枕，好風槐柳恰初生。

一螢閃入破芭蕉，孤館心疑鬼燐飄。  
薄醉已醒眠未穩，隔窗人月兩無聊。

兀坐

兀坐三更後，庭空見竹梧。  
月黃明日熱，室白此心虛。  
待旦身安往，流年暑易徂。  
班姬捐扇日，稚穢較如何。

即景

負牆老樹百年青，苔蘚看看欲上廳。  
水長荒池喧怒隼，草熏暑雨化流螢。  
官衙閒似深山刹，客館悽於過路亭。  
夢覺不聞更點響，墜欄殘月尙窺櫺。

蛙聲日夕不斷，紀以一詩。

閣閣昕宵聽怒鼉蹤躑鼓吹亦嫌譁稱詩此調風斯下投瓦何  
方呪易差水滿池塘經積雨草生廳事不栽花休輕蝸蚪么麼  
甚天上工爲蝕月蟻

重遊栢州紀以八絕

栢州一別六年餘軍府重來借榻居泥瓜銷沉塵面改此心頑  
石尙如初

盾墨勞勞三十年匏瓜猶繫海東天五侯鯖味都嘗徧老去光  
陰又硯田

老兵白晝臥官廳坐鎮山城上將星反鑱雙扉人去後只應種

菜付園丁

總兵缺  
裁署廢

醉中搥策慟西州回首前塵似夢遊下馬荒陵雞酒酌蜀江難

買上天舟

有感故太守宜  
賓趙公寅臣

水簾古洞說三岳六月林風透葛衫三里籃輿曾懶出南屏誰

更上巉巖

欲遊三岳  
洞不果

煙雨春三景物工我來兩值伏庚中火雲天半峰多少吹墮松

濤萬壑風

萬象山  
烟雨樓

茵溷多生事可嗟兒家門巷訪枇杷誰知病柳衰桃外更有同

根姊妹花

青田無鶴又無人浪說人才似積薪只見好山千萬疊向人胸

嶽鬪嶙峋

齋居暑熱偶成

廡舍東西廣厦寬  
狂思水屋聽風湍  
肉山臥榻屏相遠  
汗雨紗厨簟未乾  
填鵲秋河人隔岸  
啼蛄夜砌月沉欄  
火雲明日知深熱  
故作星芒四射看

冶遊四絕

徐娘風韻勝瓜年  
點屨清歌厭管絃  
萍水柳花相合晚  
得逢也算宿生緣

藥銚花閒病過春  
丰姿驚見捧心顰  
琵琶解使青衫濕  
誰是當筵顧曲人

姊妹人間又趙家  
就中最長最風華  
二娘不見翩鴻影  
盼煞天

邊貫月槎

斷無尤物不風流  
一墮情天解脫否  
貯屋阿嬌知不奈  
祇應多擲錦纏頭

又四絕

花開鼓子薄山城  
此說由來最不平  
千古英雄來草澤  
沼吳人自苧蘿生

過江名士烏衣貴  
空谷佳人翠袖單  
茵溷何曾有因果  
此生只合當花看

買笑當年賤牝金  
如雲影事懶追尋  
歡場老大都無分  
學得笑兒木石心

戀官印詞代印  
衆中乍解周旋我塵裏誰從物色卿綺語年來剛懺盡淫犁罪  
孽又重生

漫興

微詞疑雨復疑雲劣有閒情搆小文彩鳳隨鴉多錯嫁棧鴛如  
驥亦空羣心形畫出非二點眼界低來賸幾分莫訝雖黃無定  
品嫖施夷跣日紛紛

聽某校書度曲

寶髻蓬鬆一曲歌病中強起撥紗羅同聲未許當筵唱乍可通  
詞兩眼波

懊儂調苦歡應解定子詞工妾每鬢三日重來如昨日曼聲猶

繞畫梁塵

園丁薙草感賦一律

一室薰蕕味自差迎霜庭綠剎那時采蘭十步遺幽谷蓄艾三  
年少國醫最是薦蘿工附麗從來荆棘易繁滋無根瑤草榛菅  
裏斫向鴉鋤恐未知

漫興

小住山城一月中閒雲踪跡只匆匆將軍自歎今殘客婦孺還  
呼舊厲公門巷枇杷隨意入冤親芥蒂一朝空種花倘使重臨  
縣兀傲依然昔日風  
懷前宣平令楊古醜



八十詩人子野狂問君何事挂彈章老羈官海抽帆好歸擁名  
山片席長乞食故人猶橐筆舊遊何地不滄桑申江艤櫂虛尋  
訪落月時時夢屋梁

即景

白日起癩雷風號雨驟來昏明爭頃刻翻覆小驚猜夜帳蚤先  
集疎籬蟀已催近遊思秉燭臨去又徘徊

又二絕

一雨傾盆暑氣微雨收日出劇炎威雷聲薄暝隆隆作不識何  
村雨又飛

宵涼依舊裋衣眠移却銀燈臥榻前伏枕小詩哦未就斷鐘殘

月五更天

又一絕

湘簾微風汗欲冰最難將息木犀蒸夾羅嫌暖單綃冷白紵中  
衣護一層

無題

延年兄妹擅新聲零落何戡剩舊人供奉大家皆北里效顰處  
子屬東鄰井欄玉虎銀瓶索陌路銅駝繡轂塵試問傾城傾國  
後六宮何地更棲身

戲拈

銀樣蠟鎗頭人才似此休不成如畫虎無用是肥牛儒賤冠堪

溺官微幘易投何時白馬驛同葬濁清流  
垢穢誰重洗塵清六合開真人乘運出括地受圖來盡掃卑卑  
論爭看犖犖才妄言公醉耳天意卻難猜

雨中遣悶

波濤空際喧三日雨不住河傾鵲橋摧女牛不須渡此時買扁  
舟一瞬千里路奈何羈此間長廊日微步追阻書不來鄰近人  
莫晤官衙非陽臺雨雲自朝暮青蟲集夜釭陳書每嫌故何以  
解煩憂渴疾待莖露

又一首

估杵千門動燈檠一夜涼山城知雨足官閣數更長燭影遮團

扇歌塵墜畫梁分明前日事事過已旋忘

歌席寫懷

遮住琵琶酒面紅四絃欲語月中賞心合座歡同調流眄當  
筵語乍通操瑟齊門如我輩吹簫吳市有英雄連宵荒讌渾忘  
倦明日扁舟一霎東

偕同人登萬象山煙雨樓

怒濤謾謾掀松風荒山少人樓閣空我來道署招羣公汗顏忽  
對青芙蓉火雲蘊起多奇峰晴天霹靂馳穹窿不知春三煙雨  
濛迷離景物摹誰工兩番到此皆暑中赤日慵策遊山筇古碑

未捫催晚鍾隔江一抹斜陽紅

松雪所書萬象山碑尙完好

送郭觀察擢任提學赴杭

名園小住亦前因下吏逍遙等上賓說土片言榮月旦棄才一例荷陶甄席中挂頰看山版籬下籠頭漉酒巾此日神仙班景倩追蹤莫逐後車塵

公門桃李今方盛幕府芙蓉昨已開臺閣臯夔儲物望湖山蘇白領仙才遺簪知不忘情去寸檄何時應召來佳話海東今昔少歡聲士女動如雷

點煙世界狀齊州罌粟成花歲歲秋拔薤難爲今日吏種瓜合共故時候搜牢閭閻煩兵力盜弄潢池盡國讎廊廟天高豈吏近定應借箸到良籌

福星隨處望幷幪騶唱遙聆浙水驄外吏有人呼內翰中書無食伴羣公鄴侯地位熏籠上呂相人才夾袋中異日轅門容晉謁定香亭比斗山崇

劉冠山明經

景晨

三十述懷次韻

祇書譯本日交馳大雅淪亡一線時佳士難逢半面好異才崛起寸心期白虹匣劍通神物涿水牙琴絕妙詞吟事騷壇誰健者儘教兪父笑詒癡

金臺往事總茫然馬骨千金記入燕天漢撻通星犯斗神山風引海迴船驕嘶輦下黃塵騎惱亂尊前綠鬢蟬下第江東羅隱去出山肯擁冷官氈

高似喬松瘦似籐蟠胸五嶽更峻嶒風雲事業名場彥文字因緣異地朋伏櫪而今間老驥登臺何處瞭秋鷹蕭郎王塚都難料卽論詩才得未曾

銀燭金樽豔此辰小陽恰放嶺梅春三千桃宴方長日五十椿闡未老親高士梁生羞及熱驕人田子薄因貧一言更爲君添祝萬仞峰頭七尺身

讀史

龍種天潢帝子孫曳裾群彥盡登門成仙雞犬紛如蟻何事淮南不自尊

五胡浩劫八王開虜帳衣青酒罷回孫秀陸機皆富貴神州一

瞬陸沉哀

西邸公侯價不高涼州五斗換葡萄世間有癖皆和嶠多事錢

神論魯褒

書事

老成謀國論深微一紙流傳萬口非何物照妖還有鏡知憑朱邸博黃扉

書事

從來棋局是長安考課京房論百官陶令見人羞束帶貢公得友慶彈冠睡方混沌調應熟樣本葫蘆畫不難誰與諸公競臺省五湖只覓一漁竿

示客

吟腸鐵石酒腸冰歲晏懷人汐社朋詩案坡仙前事零禪心鳥  
佛古微燈角名遂逐中原鹿談道營營下土蠅快雪晴牕繡襖  
帖恍如繭紙出昭陵

贈楊園主人

楊園遊展喧喧城北縛茅爲屋花爲國玉川洛陽只數間此中已  
與囂塵隔千紅萬紫年復年看盡春光賞秋色種成老圃傲霜  
花不管西風入簾隙丹黃絢爛紛庭階羅列盆罌過千百尙嫌  
拓地少三弓麕眼編籬疎枳棘城南花事稱葉家五畝畦町同  
偈仄錦屏繡幄對南山三徑徘徊空岸憤甌江自昔多名園水

石怡園推第一而今絕少看花人敗簪寒苔擁簫瑟更有相傳  
漪綠園破屋猶懸舊題額平泉綠野儘豪奢如畫樓臺彈指滅  
何似君家築數椽久存楊子談經宅花開酒熟蟹螯肥不速頻  
來餐秀客鬪題結社吟觴飛四壁瑤箋黏醉墨對花幾輩不成  
詩對殘應浮三大白子猷看竹來叩門散誕襟懷今似肯留詩  
愧謝主人翁陶令柴桑歸未得

又成八絕

廨屋三間半是花入門便訝錦屏遮散人踪跡無畦町踏徧秋  
痕見幾家

只餐秀色足療飢澹對無言却有詩十月甌江春太暖西風不

遣到東籬

瓦盆萬本伴罇罍案上丹黃次第開三徑請廻俗士駕不妨送  
酒白衣來

礬弟梅兄品並高閉門鎖日讀難騷黃花笑客忙何事此是窺  
園第一遭

花叢彈指有滄桑哀怨湘纍感落英此日與誰商晚節才名少  
小本黃香

春蘭與我各緣因江上芙蓉託比隣懶共園丁荷鴉嘴河陽枉  
號種花人

芳菲隨處襲襟裾看竹王猷不如我他日叩門應記得不同迷

路武陵漁

情知看到子孫難不向園林種牡丹卻待秋光狼籍後梅花借  
與雪中看

陳孝廉

壽辰

以續遊楊園近作見示次韻答之

詩人累月不相見飛到瑤榭盥手開當代名家陳正字長安昔  
日碎琴來

頓教搖蕩酒邊魂樺燭三更細字昏惓惓楊園疎邂逅不曾同  
叩隔花門

白雪有詞難屬和碧紗無分且孤吟三蕉小戶眞堪笑泥飲歡  
筵怯淺斟

甌路經年百感生倦遊羸馬欲過征折腰久在風塵下王衍誰云少宦情

田園鷄犬閒桑麻五畝難教辦咄嗟但覓青門種瓜地勝於籬下寄黃花

鬢絲潘令賦閒居漸覺歡踪與世疎莫說章臺楊柳事枇杷門巷亦模糊

良朋八表感停雲吟事年來已絕羣賸有尋詩雙蠟屐花閒何日卻逢君

槿籬涼露墜如珠人瘦西風花自腴欲向園公移幾本黃金爲問肯分無

瑞安洪博卿廣文

炳文

素未謀面以所撰全集及各種見示索

序賦此柬之

未流書種還有幾儒衣冠者紛如蟻海陬耆舊魯靈光前代三

洪今再起名山壇址輕王公網絲遺此珊瑚枝紅小樓自闢一天

地棟花歲歲來春風

家有棟園及花信樓

孫黃不作宋生死

宋平子衡

師友半

在黃壤中傳經子舍衍家學

二子皆才萬能著書

婆婆老子真猶龍平生

百技不一售

君精格致能製品

得失細事皆鷄蟲鉅篇扁鐻少人問游

戲院本傳海東

醫黃鐘樂府爲外人購菜

貴鄉相識有羣彥三過恩慳慳一

面

今歲于役瓊安三次未一面

殷勤擲我萬驪珠併合遲君兩龍劍鱗生碌

碌無寸長韡版名場困卑賤參軍蠻府句空哦作客馬卿遊易

倦此間一住瞬經年種花敢問河陽縣

曾奉檄攝瑞安  
篆力辭不赴

先生不

嗤俗吏俗倒篋縹緗讀教徧廣文官冷陶令飢吾儕持此欲安  
歸請焚筆硯棄鉛槧鐵山衝破愁城圍

次洪博卿姚江學舍韻

孔融薦士書王粲迎門屣搔首千載賢百中一二耳儒以道自  
尊窮通悟常理置身在義皇萬仞視猶咫食字不得仙漸厭蟲  
鑽紙懷抱一未撓栖栖此生已冷氈促入官強爲士林起吟嘯  
一囊中睥睨百僚底衙齋傍宮牆教授等鄉里世風慨江河狂  
瀾仗人砥營營韁鑣間卓立問有幾適鐸響久暗身廢臯比裏  
姚江賢哲區學派啓王子良知晦古誼闡自新建始大道日狂

榛奧姿誰舉趾流風及東瀛一線延可喜名師出歐路鱸坐欣  
洩止造士必成材翕然湖學擬樂懸考鐘篋禮器飭瑚簋粕糟  
六經言鈎沈探微旨飫古味道腴遂嶠登堂葢任遭俗嘲訶吾  
職斯盡矣嗟哉官如贅歸歟居近市大年保樑樗絕學衍喬梓  
自灌棟園花甘勤樊圃耜不識先生門得意幾桃李蘧瑗信君  
子獨爲亦可恥嚶鳴念友朋切劑貴彼此莊知虛白生老戒谷  
神死行聽竈觚談一葉帆江水

無題

誰道陽臺是夢中琵琶遮面抱惓惓記窺青瑣矜前事解擲黃  
金占後宮鬢樣長安盤墮馬襪塵洛水逐驚鴻當壚不待琴心



合紅拂年來厭越公

題洪君桑蓬勵志圖小照

霹靂神珠十萬弦  
功成腰箭入凌煙  
一丁兩石迂儒論  
壞盡人才誤少年

口占

白銀黃札一朝風  
諸價西園便拜公  
鮑老漫矜長袖舞  
郇公枉費尺書通  
頻逢債帥緣何厚  
欲續錢神論未工  
莫怨所如多不合  
阮生誰使橐中空

重至玉環漫成

樓船來往狎鯨鼉  
閱歲光陰疾似梭  
片土殘疆危島國  
一樣迷

路入天河鮫宮霧散城闌出  
漁市潮腥估舶多  
休更海疆論保障  
臺澎形勝問如何

荷齋小住促吟裝  
一樣風塵捧檄忙  
官事無多原易了  
遊蹤如夢已將忘  
曉程自泥衝寒酒  
斷句猶題待聖牆  
鰲背二神何處是  
瞳矐初日在扶桑

楊園主人以元旦喜雨詩乞和次韻答之

祥雲幾處雪飛綿  
獨兆和甘海角天  
如夢似疑春黯澹  
放晴易快日暄妍  
仰窺閭闔非無路  
後飲磨廡又一年  
誰引謝公雙屐出  
吟鱸自擁頰椒筵

九垓膏澤霈雲霄  
且挹天漿負酒瓢  
畫本人居葺屋好  
詩筒局

赴草堂邀田家沙社編新詠宮樣唐人和早朝試聽六街簫鼓  
開承平雅頌抵鈞韶

壽母擎觴戲綵堂蓬壺愛日正添長王春鳳歷頒新政霸國騶  
搖念舊疆占得楊園三畝大送來花信一家祥山林鐘鼎何分  
別鵬鷗寰中看並翔

借箸無才愧寸籌柴桑下澗問田疇塵埃歲月飛梭疾人海寶  
朋刺紙稠復日難逢廣紉纈是鄉可老負溫柔感君無限春風  
意聊爲梅花一唱酬

承以梅紅  
一枝見贈

次贈梅韻

賣花聲斷過門人斐几銅瓶悵夕晨消息何勞通驛使詩家先

贈一枝春

楊園主人屢有詩來賦此東答

瑤華一再枉詩筒海上因緣誌雪鴻二陸才名喧洛下四靈宗  
派續甌東栽花地仄弓難拓看竹人閒展易通何礙玉川吟破  
屋韓公有日薦盧仝

新歲多雨屢和人詩

入春三五日遊事數花晨閉戶酬今雨陳編起古人酒殘詩吟  
嚼鱸潤篆氤氳且作熙臺想胸中境一新

辛亥元旦感懷

今皇紀歷第三平元朔星雲仰斗躔棠棣碑中爭頌聖

謂某美  
昆仲

蓉闕下罷朝天

今歲仍免朝賀

可堪簿宦猶人下若問長安在日邊信

是太平真氣象千門爆竹裊非煙

遼潘傳聞似劫棋陪京消息使人疑願霑竊宴安周鼎休謀幽  
風當節詩水火中樞蠻觸戰江山孤注犬羊窺乾坤再造渾閒  
事大厦難爲一木支

布憲王正象魏高漢家令甲細牛毛大難誰與謀來日成事今  
方倚此曹袖手一枰藏拙慣折腰五斗抗塵勞求仙妄想追徐  
福五百童男海外艘

夷甫夷吾貉一邱時艱諸葛亦紆籌神仙盡抱桑田感醉夢差  
忘杞國憂狼虎關中秦暴主鯽魚江左楚羈囚人間何世誰能

料此日熙臺且共遊

早春雨坐

第一番風雨迸來黯懷酒後藉詩開不知綠轉垂楊否紅蕾瓶  
梅已破胎

鞦羅塵步澆香泥屨印長廊一道齊願逐裙腰踏青去相逢油  
壁悵鷄栖

門巷惜惜雀可羅買春壺榼罕相過尙煩殘客紛留刺如葉紅  
牋人手多

屋角呼晴聽鶉鳩雨絲風片幾時收峭寒只在黃昏後夕麝燈  
窓一積裘

解嘲

過門不入不爲慢雖鄰不覲不爲孤各有緣因各氣類是非堯桀胡爲乎

正月十三夜

簫鼓三更走鈿車畫屏紅影上燈初年來嚼蠟名場味月夕花晨一例虛

簸錢贏得買燈嬉綠女紅男笑鬢絲驀記童時游戲事鬱金堂畔紫姑乩

迎謁

又拜車塵道左騶倒持手版有名流下官敢似淵明傲束帶殷

勤見督郵

紀新官制

臥閣花明燕寢香訟庭清似半閒堂漸無民事關休戚免采輿評校短長伴食中書人弛擔牽絲下邑傀登場而今除是催科最上考何憑列剡章

閱邸抄

朱輪聲價敵黃扉使相紛求解組歸郿塢菟裘唐突語乞骸退傳遂初衣

觚棱 帝關渺燕塵綠野堂中歲月新詔起東山他日典入朝

遺老迂蒲輪

擬至頭陀寺閱藏

駘蕩春心又是鄉吟樽依黯避歡場游絲不繫花飄溷栖燕相  
隨雀處堂錦幄河山黃胖出巽齋歲月白頭忙繙經卅里城南  
寺誰共鐘魚聽上方

書繼蓮畦中丞詞話

玉田一席有傳薪按拍花閒退食頰韻事消除紗帽氣詞場傾  
倒繡絲人中衰何日輪扶雅小誤無妨鑿失真曲子相公殊不  
惡儘饒儉父沸臚脣

讀新律

斗槎東海獲珠船外史籃皮令甲編重譯寶書繙百國一經博

士悔三年迎帥願備于公禮勸學忘探荀子篇依舊秋茶傷密  
網三章難望國門懸

題樂清黃仲荃司馬

式蘇

百二十峯草堂詩錄

一槎洱海忽廻帆

君官雲南  
中途折回

織句弓衣悵峒蠻出岫雲成在山

水高風林下見胥庵

金薤琳瑯手一編鹽薇什襲篋中賤

累贈佳篇

傳薪家學兼師法願

爲亡詩續海天

呂先德與長林場故大使居洲江波叔先生爲  
詩中至契伏致堂一集今樂清人士猶珍惜之

書某公集

老鳳中朝領直廬十年厭食武昌魚文章儒雅人無閒只少山  
公啟事書

經術安昌一代宗孫宏阿世有遺風澶淵能退契丹敵霍傳何  
勞讀寇公

閱法政學堂講義

外史應羅百國書學官功令事何如熙豐試士三經義始信荆  
公術未疎

造就人才餉敵人效蟹不獨誚東鄰千鈞一髮尼山席講肆空  
留馬隊塵

暮春

桃李風暄爛漫開梅花三舍避輿僿春光暢好江山麗羯鼓唐  
宮日夕催

陳翁悔髯自台來甌稱八十觴賦此東之

綠髮方瞳領綺筵笑談還似十霜前天台再到非無路滄海成  
塵半作田往事迷離真夢幻此身康健即神仙人間一例槐安  
境差勝蜉蝣有大年

長願花前共一樽足音倒屣雀羅門萍蓬乍合風中跡泥雪重  
尋海上痕韉版半生牽傀儡馬牛百罰贖兒孫隻雞近局過從  
好似弈長安事莫論

詩吐千篇酒百觴朋歡幾輩敵聰強在官本似吳門隱買妾猶  
堪子野狂何苦清齋僧入定只應作達戲逢場嘲君曷解君嘲  
我辜負溫柔作是鄉

回帆無那太匆匆台宕而今一水通酒座怕歌團散雪樵舟原  
聽往來風題襟後約聯何日捧檄忘勞怪此翁竹信平安雙鯉  
外吟牋爲我覓飛鴻

有以瑞安飛雲樓題壁二十律見示者爲賦一詩

寶雞題壁誦張郎甘首飛樓接瓣香詩史千秋功罪案花封三  
月戰爭場叫雲澤雁飢誰恤失火池魚爛及殃遺孽芙蓉眞不  
少問君拔薤更何方

有懷

微波前度許通辭蓬島青禽降獨遲好事半生多自誤閒情一  
賦少人知琴無綠綺空歌鳳篴有黃金願

鑄蠶閱寂衝齋誰遣  
此不平心性近彈棋

溫州府 函 卷